

梁蕭統編
唐李善注

文選

中國古典文學叢書

四



〔梁〕蕭統編
〔唐〕李善注

文

選

四 册
卷至第四十卷

上海古籍出版社

文選第四冊目錄

(第三十二卷至第四十卷)

騷

屈 平離騷經	一四八七
九歌 四首	一五二三
九歌 二首	一五二三
九章	一五二七
卜居	一五三〇
漁父	一五三三
宋 玉九辯 五首	一五三三
招魂	一五四〇
劉 安招隱士	一五五五

七

枚 叔七發 八首	一五五九
曹子建七啓 八首	一五七六
張景陽七命 八首	一五九三
詔	

漢武帝詔	一六二〇
賢良詔	一六二一

冊

潘元茂冊魏公九錫文	一六三三
-----------	------

令

任彥昇宣德皇后令……………一六五

教

傅季友爲宋公修張良廟教……………一六〇

爲宋公修楚元王墓教……………一六三

文

王元長永明九年策秀才文 五首……………一六四

永明十一年策秀才文 五首……………一六五

任彥昇天監三年策秀才文 三首……………一六〇

表

孔文舉薦禰衡表……………一六七

諸葛孔明出師表……………一六七

曹子建求自試表……………一六七

求通親親表……………一六八

羊叔子讓開府表……………一六九

李令伯陳情事表……………一六九

陸士衡謝平原內史表……………一六九

劉越石勸進表……………一七〇

張士然爲吳令謝詢求爲諸孫置

守冢人表……………一七一

庾元規讓中書令表……………一七二

桓元子薦譙元彥表……………一七二

殷仲文解尚書表……………一七三

傅季友爲宋公至洛陽謁五陵表……………一七三

爲宋公求加贈劉前軍表……………一七三

任彥昇爲齊明帝讓宣城郡公第

一表……………一七三九

爲范尙書讓吏部封侯第一表……………一七三三

爲蕭揚州薦士表……………一七四二

爲褚諮議秦讓代兄襲封表……………一七四七

爲范始興作求立太宰碑表……………一七四八

上書

李斯上書秦始皇……………一七五五

鄒陽上書吳王……………一七六〇

獄中上書自明……………一七六六

司馬長卿上書諫獵……………一七七七

枚叔上書諫吳王……………一七七九

上書重諫吳王……………一七八三

江文通詣建平王上書……………一七八六

啓

任彥昇奉答勅示七夕詩啓……………一七九三

爲卞彬謝脩卞忠貞墓啓……………一七九五

啓蕭太傅固辭奪禮……………一七九七

彈事

任彥昇奏彈曹景宗……………一八〇一

奏彈劉整……………一八〇七

沈休文奏彈王源……………一八二三

牋

楊德祖答臨淄侯牋……………一八二八

繁休伯與魏文帝牋……………一八三一

陳孔璋答東阿王牋……………一八三三

吳季重答魏太子牋……………一八三五

在元城與魏太子牋……………一八三八

阮嗣宗爲鄭冲勸晉王牋……………一八三一

謝玄暉拜中軍記室辭隋王牋……………一八三四

任彥昇到大司馬記室牋……………一八三六

百辟勸進今上牋……………一八四〇

奏記

阮嗣宗詣蔣公……………一八四五

文選卷第三十二

騷上

離騷經序曰：離騷經者，屈原之所作也。屈與楚同姓，仕於懷王，爲三閭大夫。同列大夫上官、靳尚妬害其能，共譖毀之。王乃流屈原。原乃作離騷經，不忍以清白久居濁世，遂赴汨淵自投而死也。

屈平

王逸注

帝高陽之苗裔兮，苗，胤也。裔，末也。高陽，顓頊有天下之號也。帝繫曰：顓頊娶于滕隍氏女而生老僇，是楚先。其後熊繹事周成王，封爲楚子，居於丹陽。其孫武王，求尊爵於周，周不與，遂僭號稱王，始都於郢。是時生子瑕，受屈爲客卿，因胤末之子孫，恩深而義厚也。朕皇考曰伯庸。朕，我也。皇，美也。父死稱考。詩曰：既右烈考。伯庸，字也。屈原言：我父伯庸，體有美德，以忠輔楚，世有令名，以及於己。攝提貞于孟陬兮，太歲在寅曰攝提。孟，始也。貞，正也。于，於也。正月爲陬。惟庚寅吾以降。惟，辭也。庚寅日降下也。寅

爲陽正，庚爲陰正。言己以太歲在寅，正月始春，庚寅之日，下母之體。皇覽揆余于初度兮，皇，皇考也。覽，觀也。揆，度也。肇錫余以嘉名。肇，始也。錫，賜也。嘉，善也。言己美父伯庸，觀我始生年時，度其日月皆合天地正中，故始錫我以美善之名。名余曰正則兮，正，平也。則，法也。字余曰靈均。靈，神也。均，調也。言平正可法則者，莫過於天；養物均調者，莫神於地。高平曰原，故伯庸名我爲平以法天，字我曰原以法地。夫人非名不榮，非字不彰。故子生，父思善應而名字之，以表其德，觀其志也。

紛吾既有此內美兮，紛，盛貌。又重之以脩能。脩，遠也。言己之生，內含天地之美氣，又重有絕遠之能，與衆異也。扈江離與辟芷兮，扈，披也。楚人名披爲扈。江離、芷，皆香草也。辟，爲幽也。芷，幽而香。紐秋蘭以爲佩。紐，索也。蘭，香草也，秋而芳。佩，飾也，所以象德。言己脩身清潔，乃取江離、辟芷以爲衣被，紐索秋蘭以爲佩飾，博采衆善以自約束。汨余若將不及兮，汨，去貌，疾若水流也。恐年歲之不吾與。言我念年命汨然流去，誠欲輔君，心汲汲常若不及。又恐年忽過，不與我相待而身老。朝搴阰之木蘭兮，搴，取也。阰，山名。夕攬洲之宿莽。攬，采也。水中可居者曰洲。草冬生不死者，楚人名曰宿莽。言己旦起升山采木蘭，上事太陽，承天度也。夕入洲澤采取宿莽，下奉太陰，順地數也。動以神祇，自勸誨也。木蘭去皮不死，宿莽遇冬不枯。屈原以喻讒人雖欲閑己，已受天性，終不可變易。日月忽其不淹兮，淹，久也。春與秋其代序。代，更也。序，次也。言日月晝夜常行，忽然不久，春往秋來，以次相代。言天時易過，人年易老。惟草木之零落兮，零，落，皆墮也。草曰零，木曰落。恐美人之遲暮。遲，晚也。美人，謂懷王也。言天時運轉，春生秋

殺，草木零落，歲復盡矣。而君不建立道德，舉賢用士，則年老暮晚，而功不成。不撫壯而棄穢兮，年德盛曰壯。棄，去也。穢，行之惡也，以喻讒佞。百草爲榛穢之穢，讒佞亦爲忠直之害也。何不改此度也？改，更也。言顧君務及年德盛壯之時，脩明政教，棄遠讒佞，無令害賢。改此惑誤之度，脩先王之法也。乘騏驎以馳騁兮，騏驎，駿馬也，以喻賢智。言乘駿馬，一日可致千里，以言任賢智，即可至於治也。來吾導夫先路！言已如得任用，將驅先行，願來隨我，遂爲君導入聖王之道。

昔三后之純粹兮，昔，往也。后，君也，謂湯、禹、文王也。至美曰純。齊同曰粹。固衆芳之所在。

衆芳，喻羣賢也。言往古夏禹、殷湯、周王，所以能純美其德，而有聲明之稱者，皆舉用衆賢，使在顯職，故道化興而萬國寧也。雜申椒與菌桂兮，申，重也。椒，香木。其芳小，重之乃香。菌，蕙也。葉曰蕙，根曰菌也。豈維紐

夫蕙茝？紐，索也。蕙、茝，皆香草也，以喻賢者。言禹、湯、文王雖有聖德，猶雜用衆賢，以致於化，非獨索蕙茝，任一人也。彼堯舜之耿介兮，耿，光也。介，大也。既遵道而得路。遵，循也。路，正也。言堯、舜所以能有

光明大德之稱者，以脩用天地之道，舉賢任能，使得萬事之正也。何桀紂之昌披兮，昌披，衣不帶貌。夫唯

捷徑以窘步，捷，疾也。徑，邪道。窘，急也。言桀、紂愚惑，違背天道，施行悞遽，衣不及帶，欲涉邪徑，急疾爲治，故身觸陷阱，至於滅亡。惟黨人之偷樂兮，黨，朋也。偷，苟也。路幽昧以陰

陰。幽昧，不明也。陰，險，險，傾危也。言已念彼讒人相與朋黨，嫉妬忠直，苟且偷樂，不知君道不明，國將傾危，以及其身。豈余身之憚殃兮，憚，難也。殃，咎也。恐皇輿之敗績。皇，君也。輿，君之所乘也。以喻國也。績，

功也。言我欲諫爭者，非難身之被殃咎也。但恐君國傾危，以敗先王之功。忽奔走以先後兮，及前王之踵武。踵，繼也。武，迹也。詩曰：履帝武敏歆。言已急欲奔走先後，以輔翼君者，冀及先王之德，繼續其迹，而廣其基也。奔走先後，四輔之職也。詩曰：予車有奔走，予車有先後。是之謂也。荃不察余之忠情兮，荃，香草也，以諫君也。人君被服芬香，故以香爲諫。惡數指斥尊者，故變言荃也。反信讒而齊怒。齊，疾也。言懷王不徐察我忠信之情，反信讒言而疾怒。余固知謇謇之爲患兮，謇謇，忠言貌也。湯曰：王臣謇謇，匪躬之故。忍而不能舍也。舍，止也。言已忠言謇謇，諫君之過，必爲身患，然中心不能自止而不言也。指九天以爲正兮，指，語也。九天，謂中央八方也。正，平也。夫唯靈脩之故也。靈，神也。脩，遠也。能神明遠見者君德，故以諫君。言已將陳忠策內慮之心，上指九天，告語神明，使平正之。唯用懷王之故，欲自盡也。初既與余成言兮，後悔遁而有他。遁，隱也。言懷王始信任已，與我平議國政，後用讒言，中道悔恨，隱遁其情，而有他志。余既不難離別兮，近曰離，遠曰別。傷靈脩之數化。化，變也。言我竭忠見過，非難與君離別也；傷念君信用讒言，志數變易，無常操也。

余既滋蘭之九畹兮，滋，蒔也。十二畝爲畹。又樹蕙之百畝。樹，種也。二百四十步爲畝。言已雖見放流，猶種蒔衆香，脩行仁義，勤身自勉，朝暮不倦。畦留夷與揭車兮，留夷，香草也。揭車，亦香草，一名芰夷。五十畝爲畦。雜杜衡與芳芷。杜衡，芳芷，皆香草名也。言已積累衆善，以自繫飾，復植留夷、杜衡，雜以芳芷，芬香益暢，德行彌盛也。冀枝葉之峻茂兮，冀，幸也。峻，長也。願俟時乎吾將刈。刈，穫也。言已種植衆芳，幸其枝葉盛長，實積成熟，願待天時，吾將穫取收藏而成其功也。以言君亦宜蓄養衆賢，以時進用，而待仰

其治也。雖萎絕其亦何傷兮，萎，病也。絕，落也。哀衆芳之蕪穢。言已所種芳草，當刈未刈，雖有霜雪，枝葉雖萎病絕落，何能傷我乎？哀惜衆芳摧折，枝葉蕪穢而不成也。以言已脩行忠信，冀君任用，而遂斥棄，則使衆賢志士，失其行也。

衆皆競進以貪婪兮，競，並也。愛財曰貪，愛食曰婪。憑不厭乎求索。憑，滿也。楚人名滿爲憑。言在位之人，無有清絮之志，皆並進取貪婪於財利，中心雖滿，猶復求索不知厭飽。羌內恕己以量人兮，羌，楚人語詞也。以心揆心爲恕。量，度也。各興心而嫉妬。害賢爲嫉，害色爲妬。言在位之臣，心皆貪婪。內以其志恕度他人，謂與已不同，則各生嫉妬之心，推棄清絮，使不得用也。忽馳騫以追逐兮，非余心之所急。言衆人所以馳騫惶遽者，追逐權貴求財利也，故非我心之所急務。衆急於利，我獨急於義者也。老冉冉其將至兮，冉冉，行貌。恐脩名之不立。立，成也。言人年命冉冉而行，我之衰老將以速至，恐脩身建德，而功不成名不立也。朝飲木蘭之墜露兮，墜，墮也。夕餐秋菊之落英。言已且飲香木之墜露，吸正陽之津液；暮食芳菊之落英。言吞陰陽之精藥，動以香淨自潤澤。苟余情其信姱苦以練要兮，苟，誠也。練，簡也。長願呼籲頹亦何傷。頹頹，不飽貌也。言已飲食好美，中心簡練而合道要，雖長頹頹，飢而不飽，亦無所傷病也。擘木根以結茝兮，擘，持也。貫薜荔之落葉。貫，累也。薜荔，香草也。緣木而生，落，墮也。茝，實貌。言已施行，常擘木引堅，據持根本；又貫累香草之實，執持忠信，不爲華飾之行也。矯菌桂以紉蕙兮，矯，直也。索胡繩之纒纒。胡繩，香草也。纒纒，索好貌。言已行雖據根本，猶復矯直菌桂芬芳之性，紉索胡繩，令之澤好，以善自約。

東，終無懈已。審吾法夫前脩兮，非時俗之所服。言我忠信審審者，乃上法前代遠賢，固非今時俗之人所可服行也。雖不周於今之人兮，周，合也。願依彭咸之遺則。彭咸，殷賢大夫，諫其君不聽，自投水而死。遺，餘也。則，法也。言已所行忠信，雖不合於今之人，欲願依古之賢者彭咸餘法，以自率厲也。長太息以掩涕兮，哀人生之多艱。言已自傷施行不合於俗，將效彭咸沈身於淵。乃太息長悲，哀念萬民，受命而生，遭遇多艱，以隕其身也。余雖好脩姱以鞿羈兮，鞿羈，以馬自喻也。羈在口曰鞿，革絡頭曰羈。言爲人所係繫也。騫朝諝而夕替。諝，諫也。詩云：諝予不顧。替，廢也。言已雖有絕遠之智，姱好之姿，然以爲讒人所鞿羈而係繫矣。故朝諫審審於君，夕憂而身廢棄也。既替余以蕙纁兮，纁，佩帶也。又中之以攬茝。又，復也。言君所以廢棄已者，以余帶佩茝香，行以忠正之故也。然猶復重引芳茝以自結束，執志彌篤也。亦余心之所善兮，雖九死其猶未悔。悔，恨也。言已履行忠信，執守清白，亦我心中之所美善也。雖以見過支解，九死終不悔恨也。怨靈脩之浩蕩兮，靈脩，謂懷王也。浩，猶浩浩。蕩，猶蕩蕩。無思慮貌也。終不察夫人心。言已所以怨恨於懷王者，以其用心浩蕩，驕敖放恣，無有思慮，終不見省察萬民善惡之心。故朱紫相亂，國將傾危也。衆女嫉余之娥眉兮，衆女，謂臣衆也。娥眉，好貌。謠諑謂余以善淫。謠，譏毀也。諑，譏毀也。謠諑，猶謠也。淫，邪也。言衆女嫉妬娥眉美好之人，譏而毀之，謂之善淫，不可信也。猶衆臣妬嫉中正，言已淫邪不可任也。固時俗之工巧兮，偃規矩而改錯。偃，背也。圓曰規，方曰矩。錯，置也。言今時之工，才知彊巧，背去規矩，更造方圓，必不堅固，敗材木也。以言佞臣巧於言語，背違先聖之法，以意妄造，必亂政化危君國也。背繩墨以追曲兮，追，隨也。

繩墨所以正曲者。

競周容以爲度。

周，合也。度，法也。

言百工不隨繩墨之直道，隨從曲木，屋必傾危而不可居

也。以言人臣不脩仁義之道，背棄忠直，隨從枉佞，苟合於世，以求容媚，以爲常法，身必傾危而被刑戮。

余侘傺兮，

佻，徒昆切，憂貌也。

侘傺，失志貌也。

侘，丑加切，猶堂堂立貌也。傺，丑世切，住也。楚人名住曰傺。

吾獨窮困乎此時也！言我所侘傺而憂，中心鬱邑，悵然住立而失志者，以不能隨從時俗，屈求容媚，故獨爲時人所

窮困也。

寧溘死以流亡兮，

溘，猶奄也。

余不忍爲此態也！言我寧奄然而死，形體流亡，不忍以忠正之

性，爲邪淫之態也。

鸞鳥之不羣兮，

鸞，執也。謂能執服衆鳥，鷹鷂之類也。

以諡忠正。

自前代而固然。

言鸞鳥執志剛厲，特處不羣，以言忠正之士，亦執分守節，不隨俗人。自前代固然，非獨於今。

夫孰異道而相安！

言何所有圓鑿受方枘而能合者，誰有異道而相安邪？言忠佞不相爲謀也。

何方圓之能周兮，

兮，抑，案也。

忍尤而攘詬。

尤，過也。

攘，除也。

詬，恥也。

言己所以能屈案心志，含忍罪過而不去者，欲以除

去恥辱，誅讒佞之人，如孔子誅少正卯也。

伏清白以死直兮，固前聖之所厚。

言士有伏清白之志，以死忠

直之節者，固乃前代聖王所厚哀也。故武王伐紂，封比干之墓，表商容之閭也。

悔相道之不察兮，悔，恨也。相，視也。察，審也。

延佇乎吾將反。延，長也。佇，立貌也。詩云：

佇立以泣。言己自恨視事君之道不明察，當若比干仗節死義。故長立而望，將欲還反終已之志也。

迴朕車以復

路兮，迴，旋也。

及行迷之未遠。

迷，誤也。

言及旋我之車以反故道，反迷已誤欲去之路，尙未甚遠也。同姓無

相去之義，故欲還也。

步余馬於蘭皋兮，步，徐行也。澤曲曰皋。

馳椒丘且焉止息。土高曰丘，四隅曰

椒丘。言已欲還，則徐徐行，步我之馬於芳澤之中，以觀聽漢王，遂馳高丘而止息，以須君命。進不入以離尤兮，退將復脩吾初服。退，去也。言已誠欲遂進竭其忠誠，君不肯納，恐重遇禍，將復去脩吾初始清潔之服。製芰荷以爲衣兮，製，裁也。芰，蔞也。荷，扶藳也。集芙蓉以爲裳。芙蓉，蓮華也。上曰衣，下曰裳。言已進不見納，猶復製裁芰荷，集合芙蓉，以爲衣裳。被服愈繁，脩善益明。不吾知其亦已兮，苟余情其信芳。高余冠之岌岌兮，岌岌，高貌。長余佩之陸離。陸離，參差衆貌也。言已懷德不用，復高我之冠，長我之佩，尊其威儀，整其服飾，以異於衆也。芳與澤其雜糅兮，芳，德之臭也。澤，質之潤也。玉堅而有澤，糅，雜也。唯昭質其猶未虧。唯，獨也。昭，明也。虧，缺也。言我外有芬芳之德，外有玉澤之質，二美雜會，兼在於己，而不得施用，故獨保明身，無有虧失而已。所謂道行則兼善天下，不用則獨善其身。忽反顧以遊目兮，將往觀乎四荒。荒，遠也。言已欲進忠信以輔事君，而不見省，故忽然反顧而去，將遊目往觀四遠之外，以求賢君也。佩繽紛其繁飾兮，繽紛，盛貌。芳菲菲其彌章。菲菲，猶勃勃也。芳，香貌也。章，明也。言已雖欲之四荒，猶整飾儀容，佩玉繽紛而衆盛，忠信勃勃而愈明，不以遠故改其行。人生各有所樂兮，余獨好脩以爲常。言萬人稟天命而生，各有所樂，或樂詬佞，或樂貪淫，我獨好脩正直以爲常行。雖體解吾猶未變兮，豈余心之可懲。懲，艾也。言已好脩忠信以爲常行，雖獲罪支解，志猶不艾也。

女嬃之嬋媛兮，女嬃，屈原姊也。嬋媛，猶牽引也。申申其詈予。申，重也。言女嬃見已施行不與衆合，以見放流，故來牽引數怒，重詈我也。曰鮌婞直以亡身兮，曰，女嬃詞也。鮌，堯臣也。帝繫曰：顓頊後五

葉而生鮫。蚌膏脰，很也。終然天平羽之野。蚤死曰夭。言堯使鮫治洪水，鮫很自用，不順堯命，乃殛之於羽山，死於中野。女嬃比屈原於鮫，不承君意，亦將遇害。汝何博謔而好脩兮，紛獨有此姱節？女嬃數諫屈原，言汝何爲獨博采往古，好脩謔謔姱異之節，不與衆同，而見憎惡於世。賁蓀施以盈室兮，賁，莠也。蓀，王芻也。莠，稂耳也。詩曰：楚楚者賁。又曰：終朝采蓀。三者皆惡草也，以喻諛佞盈滿也。判獨離而不服。判，別貌也。女嬃言衆人皆佩賁蓀，爲諛佞之行，滿於朝廷，而獲富貴；汝獨服蘭蕙，守忠直，判然離別，不與衆同，故斥棄也。衆不可戶說兮，孰云察余之中情！屈原外困羣佞，內被妬讟，知時莫識。言已心志所執，不可戶說人告，誰當察我中情之善否？世並舉而好朋兮，夫何斃獨而不予聽！斃，孤也。詩曰：哀此斃獨。予，我也。言時俗之人，皆行佞僞，相朋黨，並相薦舉；忠直之士，孤斃特獨，何肯聽用我言而納之也。

依前聖之節中兮，節，度也。唱憑心而歷茲。歷，數也。言已所言皆依前代聖王之法，節其中和，唱然舒憤懣之心，歷前代成敗之道，而作此詞者也。濟沅湘以南征兮，沅、湘，水名也。就重華而陳詞。重華，舜名也。帝繫曰：瞽瞍生重華，是爲帝舜，葬於九疑山，在於沅、湘之南。言已依聖王法，而行不容於俗，故欲度沅、湘之水南行，就舜陳詞。自說稽顙聖帝，冀聞祕要，以自開悟。啓九辯與九歌兮，啓，禹子也。九辯，九歌，禹樂也。言禹平治水土以有天下。啓能承志，續敘其業，育養品類。故九州之物，皆可辯數；九功之德，皆有次敘而可歌也。左傳曰：六府三事，謂之九功。九功之德，皆可歌也，謂之九歌。水、火、金、木、土、穀，謂之六府。正德、利用、厚生，謂之三事。夏康娛以自縱。夏康，啓子太康也。娛，樂也。縱，放也。不願難以圖後兮，五

子用失乎家巷。圖，謀也。言夏太康不遵禹、啓之樂，而更作淫聲，放縱情欲以自娛樂。不顧患難，不謀後葉，卒以

失國。兄弟五人，家居閭巷，失尊位也。書序曰：太康失國，昆弟五人，須于洛汭，作五子之歌。此逸篇也。羿淫遊以

佚田兮，羿，諸侯也。田，獵也。又好射夫封狐。封狐，大狐也。言羿爲諸侯，荒淫遊戲，以佚田獵，又射殺

大狐。固亂流其鮮終兮，鮮，少也。浞又貪夫厥家。浞，寒浞，羿相也。厥，其也。婦謂之家。言羿因夏

襄亂，代之爲政，娛樂田獵，不恤人事，信任寒浞，使爲國相。浞行媚於內，施賂於外，樹之許廆，而專其權勢。羿田

將歸，使家臣衆逐蒙射而殺之，貪取其家以爲妻也。羿以亂得政，身即滅亡，故言鮮終也。澆身被服強圉兮，

澆，寒浞子也。強圉，多力也。縱欲而不忍。縱，放也。言浞取羿妻而生澆，強梁多力，縱放其情，不忍其欲，以

殺夏后相也。日康娛而自忘兮，康，安也。厥首用夫顛隕。首，頭也。自上下曰顛。隕，墮也。言澆既殺

夏后相，安居無憂，日作淫樂，忘其過惡，卒爲相子少康所誅，其首顛隕而墮也。論語曰：羿善射，墜澆舟，俱不得其死然。

自此以上，羿、澆、寒浞事，皆見於左傳。夏桀之常違兮，乃遂焉而逢殃。殃，咎也。言夏桀上背於天道，下

逆於人理，乃遂以逢殃咎，爲殷湯所誅滅。后辛之類醢兮，辛，殷之亡王紂名也。藏菜曰醢，肉醬曰醢。殷

宗用而不長。言紂爲無道，殺比干，醢梅伯。武王把黃鉞，行天罰，殷宗遂絕，不得久長也。湯禹嚴而祗

敬兮，嚴，畏也。祗，敬也。周論道而莫差。周，周家也。差，過也。言殷湯、夏禹、周之文王，受命之君，皆

畏天敬賢，論議道德，無有過差。故能獲神人之助，子孫蒙福也。舉賢而授能兮，脩繩墨而不陂。陂，傾也。

言三王選士不遺幽陋，舉賢用能，不顧左右；循用先聖法度，無有傾失。故能綏萬國，安天下也。易曰：無平不陂。

皇天無私阿兮，竊愛爲私，所祐爲阿。覽人德焉錯輔，錯，計也。輔，佐也。言皇天明神，無所私阿。觀萬民之中有道德之者，因置以爲君，使實輔佐，成其志也。故堯爲無道，傳與湯，紂爲淫虐，傳與文王。夫維聖哲以茂行兮，哲，智也。茂，盛也。苟得用此下土。苟，誠也。下土，謂天下也。言天下之所立者，獨有聖明之知，盛德之行，故得用事天下，而爲萬人之主。瞻前而顧後兮，顧，視也。相觀人之計極。相，視也。計，謀也。極，窮也。言前觀禹、湯之所以興，顧視桀、紂之所以亡，足以觀察萬民忠佞之謀，窮其真僞。夫孰非義而可用兮，孰非善而可服。服，服事也。言人臣誰有行仁義而不可任用，誰有不行信義而可服事者乎？言人非義則德不立，非善則行不成。玷余身而危死兮，玷，猶危也。覽余初其猶未悔。言已正言危行，身將危亡。上觀初代伏節之士，我志所樂，終不悔恨。不量鑿而正衲兮，量，度也。正，方也。固前脩以殪醢。言工不度其鑿，而方正其衲，則物不固而木破矣。臣不量君賢愚，竭其忠信，則被罪過而身殆也。自前代脩名之人以獲菹醢，醢，伯是也。曾歎歎余鬱邑兮，曾，累也。歎歎，懼貌也。哀朕時之不當。言我累息而懼，鬱邑而憂者，自哀生不當舉賢之時，而值菹醢之日。攬茹蕙以掩涕兮，茹，柔與也。霑余襟之浪浪。霑，濡也。衣皆謂之襟。浪浪，流貌也。言自傷放在山澤，心悲泣下，霑濡我衣，浪浪而流，猶引取柔與香草以自掩拭，不以悲故失仁義也。

跪敷衽以陳詞兮，敷，布也。耿吾既得此中正。

耿，明也。言已觀禹、湯、文王脩德以興天下，見